



Suliffissarsiortunut Ikiorsiissutitut Inatsit pillugu ilitersuut

December 2023

Isumaginninnermut, Ilaqutareeqarnermut, Suliffeqarnermut Nunamullu
Namminermut Naalakkersuisoqarfik
Departementet for Sociale Anliggender, Familier, Arbejdsmarked og
Indenrigsanliggender

Imai

AALLAQAASIUT	3
ATUUFFIA.....	3
NAMMINERSORLUNI INUUSSUTISSARSIORTUT	5
ANGERLARTITSINEQ	5
MALITTARISASSAT NALINGINNAASUT.....	6
SULERIAANNAANEQ	6
SULIFFEQANNGITSUTUT SULIFFISSARSIORTUTULLU NALUNAARSORNEQARNEQ.....	7
SULIFFISSARSIORNEQ	7
QANOQ ANNERTUTIGISUMIK SULISINNAANEQ	8
ILIUSSISSATUT PILERSAARUT	8
NUTTARSINNAANEQ.....	10
SULINNGIFFEQARNEQ	11
NAPPARSIMANEQ.....	12
KILLILERSUIFFIGISAALERNEQ.....	13
KATERSISARNEQ	14
SULIFFISSARSIORTUNUT IKIORSIISSUTIT ANINGASARTAAT	15
NAATSORSUINERMUT ASSERSUUTIT	16
QANOQ SIVISUTIGISUMIK SULIFFISSARSIORTUTUT INISSISIMANEQ	17
ALLAFFISSORNEQ.....	18
ATAATSIMOORUSSANIK IT-MI AAQQISSUUSSINERIT.....	18
NAAMMAGITTAALLIORNEQ	18
ATORTUULERNERA AAMMA IKAARSAARNERMI AALAJANGERSAKKAT	19

AALLAQQAASIUT

Suliffissarsiorturnut ikiorsiissutit pillugit inatsisip suliffeerunnermi ikiorsiissutit pillugit inatsit taarserpaa aamma pisortanut ikiorsiissutit pillugit inatsit nutaaq peqatigalugu naalakkersuisoqarfiit akornanni aamma kommunit suliffeqarnermilu illuatungiliuttut suleqatigalugit Suliniut Imminut Pilersornerunnermi ukiorpaalunni piareersaernerup kingorna angusaasoq.

Kissaataasimavoq suliffissaaleqineq sapinngisamik sivikinnerpaajutinniarlugu suliffissarsiorturnut sulilernissamat piareeqqasut pikkorissaqqinnermut aallartitsinissamullu siunertaqartumik neqerooruteqarnissaq. Iliuusissatut pilersaarutit maannakkut pisunut tunngatinneqarnissaat, tigussaasuunissaat piviusorsiorthuunissaallu pillugit piumasaaqateqarnermut takussutissaavoq imminut pilersornerulernissamat suliffeqarnermullu uteqqinnissamat aqqtussiinerup qanoq suliffissaaleqisunut ataasiakkaanut isikkoqarnissaa pillugu nalilersuisarnissaq.

Suliffissarsiorturnut ikiorsiissutit suliffeerunnermi ikiorsiissutit aapparisaq inooqatigisalluunniit isertitaanut pisuussutaanullu attuumassuteqanngillat aamma tassunga ilanngullugu nammineq pisuussutitut attuumassuteqarnatik.

- Suliffissarsiorturnut ikiorsiissutit pillugit Inatsisartut inatsisaat nr. 7, 20. juni 2022-imeersoq
- Pisortanit ikiorsiissutit pillugit Inatsisartut inatsisaata aamma Suliffissarsiorturnut ikiorsiissutit pillugit Inatsisartut inatsisaata allanngortinneqarnerat pillugu Inatsisartut inatsisaat nr. 25, 25. november 2022-imeersoq
- Pisortanit ikiorsiissutit pillugit Inatsisartut inatsisaata aamma Suliffissarsiorturnut ikiorsiissutit pillugit Inatsisartut inatsisaata allanngortinneqarnerat pillugu Inatsisartut inatsisaat (atortuulersitsinermut ulluinik aamma ikaarsaarnermi aaliagersakkanik allannguneq) Inatsisartut inatsisaat nr. 32, 13. juni 2023-imeersoq.
- Suliffissarsiorturnut ikiorsiissutit pillugit Inatsisartut inatsisaata allanngortinneqarnerat pillugu Inatsisartut inatsisaat nr. 71, 20. november 2023-imeersoq, qaqugukkulluunniit tamanut ammasumik suliffinnut nittartakkami il.il. suliffissarsiorturnut nalunaarsortinneq.

ATUUFFIA

- §§ 1-mit 3-mut

Suliffissarsiorturnut ikiorsiissutit tunniunneqartarput suliffissarsiorturnut, suliffeqarnissamat piareeqqasunut, aamma sapaatip akunneranut minnerpaamik nalunaaquttap akunneri 20-t nalinginnaasumik atugassaqartitaallutik nalinginnaasumik sulisinnaasutut isigineqartutut naliliiffigineqartunut.

- *Assersuut:*
- Inuk ataaseq eqaatsumik suliffeqarnissamat pisinnaatitaasutut naliliiffigineqartoq, kisianni eqaatsumik suliffimminik annaasaqartoq imaluunniit eqaatsumik suliffimmini napparsimalersoq, suliffissarsiorturnut ikiorsiissutinik pisinnaatitaassanngilaq. Pissutaavoq, eqaatsumik suliffeqartoq mianersuunneqarnissamat pisariaqartitsimmat taamaattumillu nalinginnaasumik suliffik sapaatip akunneranut minnerpaamik nalunaaquttap akunneri 20-t nalinginnaasumik atugassaqartitaalluni sulisinnaanngimmat.

Suliffissarsiorturnut nalinginnaasumik suliffik sapaatip akunneranut minnerpaamik nalunaaquttap akunneri 20-t sulisinnaanersoq inuit ataasiakkaarlugit nalilersuinerussaaq, suliffissarsiorturnut nalunaannginnermini sionratigut suliffigisamini nalunaaquttap akunneri qanoq amerlatigisut *sulisimanersoq* apeqqutaatinngu.

Sulineq ingerlanneqarsinnaassaaq immikkut suliniuteqarnissamut pisariaqartitsisoqaaqqaartinnagu, assersuutigalugu piginnaangorsaaqqinneq, suliffeqalernissamut sungiusaaneq imaluunniit pikkorissaqqinneq.

Suliffissarsiortunut ikiorsiissutit aningaasarsiatigut nammineq pisuussutigingisamik isertitaqannginnermut taartisiatut akilerneqartarput, tamatumani suliffeerunnermi, napparsimanermi, angerlartitaanermi aamma pingortitami ajunaarnersuaqarnerani.

- *Assersuut:*
- Kommunit imaluunniit suliassanik suliaqartut ataasiakkaat isummertussaangillat pisut aalajangersimasut pingortitami ajunaarnersuartut isigineqassanersut. Upalungaarsimanermut Ataatsimiititaliarsuup attaveqaatit nalinginnaasut (TV, raatiu, internet-imi aviisit aamma Naalakkersuisut.gl) aqputigalugit pisoq qaqugukkut pingortitami ajunaarnersuartut isigineqassanersoq nalunaarutigissavaa.

Akissarsianik isertitat allatigut matussuserneqarpata, suliffissarsiortunut ikiorsiissutinik pisinnaatitaasoqanngilaq.

- *Assersuut*
- Inuk sulitilluni ajoquserpoq. Pineqartup sulinermi ajoqusernini nalunaarutigaa napparsimasutullu nalunaaruteqarluni. Sulisitsisoq inuussutissarsiutigalugu sulisinnaajunnaarnermut sillimmateqarpoq. Ajoquserpoq ulloq siullermiit suliffissarsiortunut ikiorsiissutinik pisartagaqassaaq aamma sapaatip akunneri pingasut qaangiunnerini pineqartoq sillimmasiisarfimmit/utoqqalinersiuteqartitsivimmit, suliap ajoqusernerullu suliarineqarnerisa nalaani, sulinermi isertitat annaaneqartut matussuserniarlugit tunineqartualerluni. Matussusiinnermut tunniunneqartartut aallartiinnartut tunniunneqartarneratalu nalaani, pineqartup suliffissarsiortunut ikiorsiissutit pisartakkani pisinnaajunnaassavai.

Isumaginnittoqarfimmit paaqqinnittarfimmut imaluunniit pinerluttulerinermik isumaginnittoqarfimmit inissinneqartoq suliffissarsiortunut ikiorsiissutinik tunineqarsinnaangilaq.

- *Assersuut*
- Inuk isertitsivimmut pineqaatissinneqartoq isertitsivimmiillu imaluunniit paaqqinnittarfimmiit ullormut anisinnaatitaasoq soorlu aalisakkerivimmi suliarternissamut, suliffeerunnermi, napparsimanermi imaluunniit angerlartitaanermi suliffissarsiortunut ikiorsiissutinik pisinnaatitaanngilaq. Pissutaavoq pineqartoq pineqaatissinneqarnermi inissinneqarnermilu nalaani Pinerluttulerinermik Isumaginnittoqarfimmit isumagineqarmat.
- *Inunnut isumaginnittoqarfimmit paaqqinnittarfimmut inissinneqartunut, soorlu siunissami attuumassuteqalerumaartumi, taamatut malittarisassat assingusut atuupput.*

Tulluarsaqatigiit imatut nassuiarneqarput:

Tulluarsaqatigiit 1: Sulileriaannaasut

(Suliffissarsiortunut ikiorsiissutit pillugit sullinniakkat)

Tulluarsaqatigiit 2: Suliniuteqarfigeriaannaasut

(Piginnaanngorsaaqqinnermut sullinniakkat pingaarnert)

Tulluarsaqatigiit 3: Utaqqiisaagallartumik sulisinnaanngitsut

(Pisortanit ikiorsiissutit pillugit sullinniakkat)

NAMMINERSORLUNI INUUSSUTISSARSIORTUT

§ 2, imm. 1 malillugu namminersorluni inuussutissarsiortuugaanni suliffissarsiortunut ikiorsiissutinik pisartagaqartoqarsinnaanngilaq.

Inuk namminersorluni inuussutissarsiortutut unitsitsisumut piumasaqaataavoq suliffeqarfini matusimassagaa, CVR-normuni atorunnaartoq nalunaarutigisimassagaa, suliffeqarfimmik ingerlatsinissamut akuersissutini utertissimassagaa – pineqartoq sapaatip akunneranut minnerpaamik nalunaaquttap akunneri 20-t aamma suliffeqarnermut piareersimasutut nalunaannginnermini suliffissarsiortunut ikiorsiissutinik pisartagaqarnissamut pisinnaatitaanermut malittarisassat nalinginnaasut naammassisimagunigit.

Inummut piffissap ilaannaani namminersorluni inuussutissarsiortumut ilassusikkanik suliffissarsiortunut ikiorsiissutinik tunniussisoqarsinnaanngilaq.

ANGERLARTITSINEQ

- § 4

Tunisassiornermik unitsitsineq (tunisassianik amigaateqarneq, maskiinanik ajutoorneq, silarlunneq imaluunniit pissutsit assingusut siumut ilisimaneqanngitsut) pissutigalugit sulisitsisup sulineq unitsippagu suliffissarsiortunut ikiorsiisoqarsinnaavoq qaammatsiutini ullut 14-it angullugit.

- *Assersuut*
- Sulisitsisup tunisassianik amigaateqarneq pissutigalugu tunisassiorneq ataasinngorneq ullaakkut aggustip aallaqqaataani unitsippagu, sulisunut kalluarneqartunut suliffissarsiortunut ikiorsiisoqarsinnaavoq ulloq aggustip 14-iata tungaanut.

Tunisassiornermi atortunik pilersaarutaasumik taarsiineq, eqqiaaqqissaarneq, sulisussaaleqineq imaluunniit tunisassiornermi atortunik aserfallatsaaliineq pilersaarutaasoq, tunisassiornerup unitsinneqarneranik kinguneqartoq inatsit una malillugu angerlartitsinertut isigineqanngilaq, taamaattumillu angerlartitsinermut pissutsit taakku atuutsillugit sulisut suliffissarsiortunut ikiorsiissutinik pisartagaqarsinnaatitaanngillat.

Tamatuma saniatigut angerlartsitsinermut tunngaviusinnaavoq pisortat oqartussaaffigisaanniit sulinerup unitsikkallarnissaa pillugu malittarisassat najoqqutassalluunniit.

- *Assersuut*
- COVID-19-imik tunillaassuunnerup siammarnissaanik pitsaaliuineq pissutigalugu neriniartarfinnik nujalerisunillu matusineq, assersuutaavoq pisortat oqartussaaffigisaanniit malittarisassat najoqqutassalluunniit.

Sulisitsisoq erngerluni kommunalbestyrelsimut (Majoriamut) nalunaassaaq angerlartitsineq pillugu pissutaasup uppernarsaataa ilanngullugu.

Angerlartinneqartoq suliffissarsiortunut ikiorsiissutininik pisartagaqartoq, piffissap angerlartitaaffiup nalaani suliffeqarnermut sulileriaannaasutut nalunaarsortissaaq. Angerlartinneqartoq piffissap angerlartitaaffiup nalaani suliffimmut ataavartumut innersuunneqaruni, pineqartoq pisussaavoq suliffik innersuunneqartoq tigussallugu aamma suliffimmiit angerlartitsiffiusumiit soraassalluni.

MALITTARISASSAT NALINGINNAASUT

- § 5

Suliffissarsiortunut ikiorsiisarneq inunnut 18-inik ukioqalereersunut taamaallaat atuuppoq. Inuit 18-it inorlugit ukiullit pilersuisussaatitaasut pisortanit ikiorsiissutit pillugit Inatsisartut inatsisaat malillugu ikiorneqarsinnaatitaapput.

Suliffissarsiortunut ikiorsiissutininik pisartagaqarsinnaaneq tunngaveqassaaq pineqartoq Kalaallit Nunaanni aalajangersimasumik najugaqassasoq aamma inuit allattorsimaffianni nalunaarsoqqassasoq.

- *Assersuut*
- Najugaqarneq paasineqassaaq, sumiiffik aalajangersimasumik siniffigisartagaq aamma pigisaqarfiusoq, sulinngiffeqarneq, sulinermit atatillugu angalaneq, napparsimaneq assingisaaluunniit pissutigalugu peqanngikkallaraanni.

Taamaalilluni inuk suliffissarsiortunut ikiorsiissutininik pisinnaatitaassaguni inatsisit malillugit Kalaallit Nunaanniissaaq.

Inuit Kalaallit Nunaaniittut aalajangersimasumik najugaqarnatik, kisianni inuit allattorsimaffianni ineqarnatik nalunaarsoqqasut, pineqartoq inuiaqatigiinnut kalaallinut aalajangersimasumik attuumassuteqartoq naak angerlarsimaffeqanngikkaluarluni naliliiffiqineqarpat suliffissarsiortunut ikiorsiissuteqarsinnaatitaapput.

SULERIAANNAANEQ

- §§ 6 aamma 7

Kinaluunniit suliffissarsiortunut ikiorsiissutininik pisartagaqartoq qaqugukkulluunniit suliffeqarnermut suleriaannaassaaq.

Suliffissarsiortunut ikiorsiissutininik pisartagaqartoq sunaluunniit suliffik, pineqartup piginnaasai sulisinnaassusialu malillugit isumagisinnaasaatut kommunip naliliiffigippagu, innersuunneqartoq tigussallugu pisussaaffeqarpoq. Taassuma saniatigut pineqartoq pisussaavoq pikkorissaqqinnermut, suliffimmik sungiusarnermut, sulisinnaangorsaanermit imaluunniit ilinniaqqinnermut neqerooruteqartoqarpat tigussallugu.

Taassuma saniatigut suliffissarsiortunut ikiorsiissutininik pisartagaqartut pisussaaffeqarput ataatsimiinnernut sammisassanullu allanut Majoriap aggersaaffigisaanut eqeersimaarlutik peqataanissaminnut.

- *Assersuut 1:*
- Suliffissarsiortunut ikiorsiissutininik pisartagaqartoq, suliffissamik imaluunniit sammisassamik allamik, Majoriamit innersuunneqartumik, neqeroorummik itigartitsisoq, pineqaatissinneqassaaq, immikkoortumi *killilersuiffigisaalernemi* takuneqarsinnaasutut.

- *Assersuut 2:*
- Iliuusissatut pilersaarut pillugu Majoriami oqaloqatiginninnissamut aggersaaneq sammisassaqtitsineruvoq, taamaattumillu suliffissarsiortunut ikiorsiissutinik pisartagaqartoq pisussaavoq oqaloqatiginninnermut takkutissalluni.
- *Assersuut 3:*
- Kommuni suliffissarsiortunut ikiorsiissutinik pisartagaqartumut suliffimmik nalinginnaasumik piffissap iluani suliffiusumut tiguseqqullugu peqqusisinnaavoq.

SULIFFEQANNGITSUTUT SULIFFISSARSIORTUTULLU NALUNAARSORNEQARNEQ

- § 7

Suliffissarsiortunut ikiorsiissutinik pisartagaqartoq pisussaavoq www.suli.gl-imi atuuttumik CV-mik peqassalluni aamma qaqugukkulluunniit tamanut ammasumik suliffinnut nittartakkami il. II. suliffissarsiortutut pimoorussilluni nalunaarsortarnissaa, minnerpaamillu sapaatip akunneranut ataasiarluni suliffissarsiortutut nalunaarsortassalluni. Suliffissarsiortutut nalunaarsorneq www.sullissivik.gl – ikkut pisassaaq.

- *Assersuut 1:*
- www.sullissivik.gl-imi nalunaarsortinngitsoorneq isigineqassaaq sulileriaannaanermut pisussaaffimmik unioqqutitsineq killilersuiffigisaalernermillu kinguneqartitsineq.
- *Assersuut 2:*
- Digitaliusumik nalunaarsortinneq kiisalu CV-mik suliaqarneq pillugu Majoriami ilitsersuunneqarneq ingerlasarpoq.

SULIFFISSARSIORNEQ

- § 8

Suliffissarsiortunut ikiorsiissutinik pisartagaqartoq pisussaavoq qanoq annertutigisumik sulisinnaanani atorluassallugu aamma atorfiit inuttaqanngitsut pineqartup nammineq isumagisinnaasaminik ujartuissalluni. Taassuma saniatigut suliffissarsiortunut ikiorsiissutinik pisartagaqartoq pisussaavoq suliffik innersuunneqartoq ullormik ataatsimik sioqqutsisumik nalunaarutigineqartoq tigussallugu. Tamatumunnga atuuppoq Majoriamit suliffik innersuussutigineqartoq aamma sulisitsisumit suliffik neqeroortutigineqartoq.

Suliffissarsiortunut ikiorsiissutinik pisartagaqartup suliffik innersuunneqartoq, suliffiup pineqartup suliffissarsiortunut ikiorsiissutisiaanit ikinnerusunik nalunaaquttap akunnerinik suliffiunera pissutigalugu, itigartitsissutigisinnaangilaa.

- *Assersuut*
- Suliffissarsiortunut ikiorsiissutinik pisartagaqartoq assersuutigalugu sapaatip akunneranut nalunaaquttap akunneri 32-nut tunineqartarpat suliffimmillu sapaatip akunneranut 25-nik sulisarnissamut neqeroorfigineqarluni, pineqartoq sapaatip akunneranut nalunaaquttap akunneri 32-nut sulitunineqartassaaq pineqartup sulinermini nalunaaquttap akunnerisa amerlassusaat ilanngaatigalugit. Takukkit ***ilassutitut suliffissarsiornermi ikiorsiissutit*** pillugit immikkoortoq.

QANOQ ANNERTUTIGISUMIK SULISINNAANEQ

- § 9

Suliffissarsiortunut ikiorsiissutinik pisartagaqarnissamut piumasqaataavoq suliffissarsiortoq siumut iliuuseqaqqaanngikkaluarluni sapaatip akunneranut minnerpaamik nalunaaquttap akunneri 20-t nalinginnaasumik sulisinnaassasoq.

Atorfik nalinginnaasumik atugassaqartitsisoq tassaavoq atorfik, inuup qinnuteqartup ukiuinut, sulinermi misillittagaanut aamma ilinniartitaanermut tunuliaqutai malillugit nalinginnaasumik isumagisinnaasaatut naatsorsuutigineqartoq.

Qanoq annertutigisumik sulisinnaanermut tunngatillugu, sapaatip akunneranut nalunaaquttap akunneri 20-t qaangerlugit inorlugilluunniit, inuit ataasiakkaarlugit naliliineq tunngaviusarpoq.

Suliffissarsiortunut ikiorsiissutinut, piginnaanngorsaanermut imalunniit pisortanit ikiorsiissutinut innersuussinermut atatillugu naliliineq kommunimit (Majoriamit) ingerlanneqartarpoq.

Naliliineq tunngaveqarpoq inuup tamakkiisumik inissisimanagera malillugu, tassunga ilanngullugit inuup suliffeqarnermut maannakkumut attuumassuteqarnera, ilinniartitaanermut tunuliaqutai, ilaqtariinnermut tunngasut, ineqarnermut tunngasut, napparsimaneq, atornerluineq, inooqatigiinnermi piginnaasat il.il.

ILIUUSISSATUT PILERSAARUT

- §§ 10 – 12

Suliffissarsiortunut ikiorsiissutinik pillugit inatsimmi siunertaq aallaavigalugu, suliffissarsiortoq qanoq annertutigisumik sulisinnaanani atorluarlugu sapinngisamik sukkanerpaamik imminut pilersorsinnaasunngornissamik qulakkeerinninnissaq eqqarsaatigalugu, iliuusissatut pilersaarut sakkuuvoq, suliniutinut, negeroorutinut sammisassanullu ataasiakkaanut tikkuussisussa sumut ingerlasoqassanersoq.

Iliuusissatut pilersaarut suliffissarsiortoq suleqatigalugu saaffiginnissuteqarnermiit sapaatip akunneri sisamat qaangiutsinnagit suliarineqassaaq. Taassuma kingorna pisariaqartillugu aamma minnerpaamik qaammatit pingasut qaangiunnerini nutarterneqartassaaq.

Iliuusissatut pilersaarummi suliffissarsiortut ataasiakkaat tunuliaqutaat isumalluutaallu aallaavigineqassapput. Iliuusissatut pilersaarut anguniakkat suliffissarsiortut ataasiakkaat qanoq ilillutik suliffeqarnermut qanillattoqqissinnaanerannut aamma anguniagaq qanoq iliorluni anguneqarnissaanut nassuiaammik imaqaassaaq.

Anguniakkat suliniutillu, iliuusissatut pilersaaruttip imarisassai, sorliit pillugit inaarutaasumik aalajangiisussa tassaavoq kommuni (Majoriaq).

Suliffissarsiortoq sumi najugaqarnera aamma pineqartoq inooqateqarnersoq angerlarsimaffimmilu meeraqarnersoq apeqqutaatillugit iliuusissatut pilersaarummi suliniutit sorliit ilaatinneqassanersut assigiinngissuteqarsinnaapput.

- *Assersuut:*
- Suliffissarsiortunut tamanut pikkorissaqqinneq nammeneq inoqarfik najugarisaq qimallugu pisarnissaa iliuusissatut pilersaarummut piviusutut isigineqarsinnaanngilaq.

Iliuusissatut pilersaarummik suliaqarnermi suliffissarsiortup inissisimanagera tamanik isiginnittuunissaa mianerineqassasoq taamatullu *tamarmiusumik sammivilimmik isiginninneq* pilersinneqassasoq piumasagaataavoq.

Pingaartumik inuusuttut 18-29-inik ukiullit pineqartillugit ilinniartitaanerme periarfissaat pingaartinneqassapput aamma anguniakkat sammisassallu sorliit inuusuttup ilinniagaqarlernissaanut ikiuutaasinnaansut.

Inatsimmi § 10 malillugu suliffissarsiortunut ikiorsiissutinik pisartagaqartoq suleqatigalugu iliuusissatut pilersaarut suliarineqassaaq. Taamaattoq suliffissarsiortunut ikiorsiissutinik pisartagaqartumut pisartagaqarneranut atugassarititat pillugit pisussaaffinnut tunngatillugu kommunalbestyrelsi (Majoriaq) naggataatigut aalajangiisussaavoq.

Aalajangersakkap kommunalbestyrelsi (Majoriaq) pisinnaatippaa suliffissarsiortunut ikiorsiissutinik pisartagaqartoq sammisassanik peqataaqussallugu, qinnuteqartup periarfissaanut pitsaanerulersitsinissamut siunertaqartumik kiisalu qinnuteqartup suliffeqarnermut attuumassuteqarneranik nukittorsaaussamik taamaalillunilu imminut pilersorsinnaangorluni.

Sammisassanik toqqaaneq suliami siunertamut naleqquttuussaaq. Inatsimmi § 11-p malitsigaa iliuusissatut pilersaarut anguniakkat sammisassallu piviusorsiortuussasut.

Iliuusissatut pilersaarut suliffissarsiortoq suleqatigalugu suliarineqartussaammat, iliuusissatut pilersaarut aallaaviatigut naammagittaalliutigineqarsinnaangilaq. Kisianni iliuusissatut pilersaarut sammisassanik imaqarsinnaavoq, kommunimit (Majoriamit) aalajangerneqartunik, aamma suliffissarsiortup isumaqatiginngisaanik imaluunniit peqataaffiginissaanut piareersimaffiginngisaanik. Iliuusissatut pilersaarut ip marisaata ilaa taanna isigineqassaaq aalajangiinertut aamma illuatungiliuttumut tusarniaasoqassalluni kiisalu pisortat ingerlatsineranni suliasat suliarineqartarnerat pillugu Inatsisartut inatsisaanni kapitali 5 aamma 7 malillugit naammagittaalliornissamut ilitsersuisoqassalluni.

- *Assersuut*
- Kommunip piumasarisinnaavaa, suliffissarsiortunut ikiorsiissutinik pisartagaqartoq suliffimmik innersuunneqartumik tiguseqqullugu imaluunniit assersuutigalugu ullormik ataatsimik siumoortumik nalunaarfigalugu pikkorissaqqinnermut peqataaqullugu. Pisuni taamaattuni kommunip aalajangiinera pillugu naammagittaalliortoqarsinnaangilaq, aamma illuatungiliuttumut tusarniaanissaq ilaalu ilanngullugit pisuni taamaattuni atuutinngillat, tak. suliffissarsiortunut ikiorsiissutit pillugit inatsimmi § 11, imm. 3.

Iliuusissatut pilersaarut sallerpaasumik siunertaqarpoq suliffissarsiortoq imminut tamakkiisumik pilersorsinnaanera siunertaralugu suliffissarsiortup sulisinnaanera nukittorsassallugu.

Suliffissarsiortunut ikiorsiissutinik pisartagaqartut angerlatitaasut pillugit iliuusissatut pilersaarummik suliaqartoqassangilaq.

Suliffissarsiortunut ikiorsiissutinik pisartagaqartoq iliuusissatut pilersaarut suliarineqareernerata kingorna kommuni qimallugu nuuppat, suliffissarsiortunut ikiorsiissutinik pisartagaqartoq kommunimut nuuffigisaminut saaffiginippat, kommuni nuuffigisaata kommuni qimataaniit iliuusissatut pilersaarut pillugu pissarsiniassaaq pisariaqarfiatigullu naleqqussarlugu.

Tamanna piumasarineqarpat kommuni qimanneqartoq iliuusissatut pilersaarummik kommunimut nuuffiusumut erngertumik nassiusaqaassaaq.

- *Assersuut:*
- Iliuusissatut pilersaarut Ataatsimoorussanik IT-mi aqqissuussinernut ilaatinneqalissaaq taamaattumillu kommunimit nuuffiusumit elektroniskiusumik iserfigeqarsinnaassalluni.

NUTTARSINNAANEQ

- § 13

Suliffissarsiortut 18-29-inik ukiulinnut ukiut ataatsip qaangiunnerani aamma suliffissarsiortut 30-nik sinnerlugillu ukiulinnut suleriaannaanermut pisussaaffik sakkortusineqassaaq.

Nunap immikkoortuinut nuttarsinnaaneq pillugu piumasaqaateqartoqarsinnaavoq, t.i. suliffissarsiortunut ikiorsiissutinik pisartagaqartoq nuttarsinnaasusariaqarpoq aamma suliffissat inuttaqanngitsut ornillugit nuussinnaasariaqarluni.

- *Assersuut:*
- Suliffissarsiortunut ikiorsiissutinik pisartagaqartup pisortanit pilersorneqarluni, najugaqarfisap avataani suliffissamik periarfissaqartillugu, sumiiffimmi angerlarsimaffigisami najugaqaannarsinnaaneq naatsorsuutigisinnaangilaa.

Suliffissarsiortunut ikiorsiissutinik pisartagaqartoq inuusuttoq ukioq ataaseq suliffissarsiorpat, pineqartoq pisussaavoq angerlarsimaffigisap avataani nammineq suliffissarsiussalluni, ilanngullugu pineqartoq pisussaavoq inissiamik naammaginartumik innersuussisoqarsinnaatillugu angerlarsimaffigisap avataani suliffik innersuunneqartoq tigussallugu.

Suliffissarsiortunut 30-nik sinnerlugillu ukiulinnut, ukiut marluk suliffissarsiortutut nalunaarsoqqasunut, malittarisassat assingi atuupput.

- *Assersuut:*
- Inatsimmi § 13, imm. 1-imi allaqqasoq *piffissaq tamaat suliffik* isumaqarpoq, ukiup ilaannaani, piffissap ilaannaani, taartitut, piffissami sivikitsumi assingisaanilu sulinerit pillugit nunap immikkoortuinut nuttarsinnaanermut piumasaqaateqartoqarsinnaangitsoq.

Soorlu kommuni suliffissarsiortup angerlarsimaffigisaata avataani suliffimmik innersuunneqartumik tigusaqarnissaanik piumasaqarsinnaasoq, aamma suliffissarsiortup angerlarsimaffigisaata avataani sammisassanut peqataanissaanik kommuni piumasaqarsinnaavoq.

- *Assersuut 1:*
- Sammisassat tassaasinnaapput pikkorissaqqinneq, allamik ilinniagaqarneq, suliffimmik sungiusarneq ilaalu ilanngullugit. Sammisassat killilimmik piffissaligaapput.
- *Assersuut 2:*
- Suliffissarsiortumut ineqarfissamik innersuussisoqarsinnaasariaqarpoq.
- *Assersuut 3:*
- Angerlarsimaffigisap avataani sammisassanut peqataanissamut ukiumi ataatsimi / marlunni suliffissarsiornissaq piumasaqaataangilaaq.

Suliffissarsiortunut ikiorsiissutinik pisartagaqartup ineqarfissamik innersuussisoqartillugu angerlarsimaffigisap avataani sammisassanut peqataanissaq itigartitsissutigisinnaangilaa.

Suliffissarsiortunut ikiorsiissutinik pisartagaqartoq imaluunniit taanna inooqataalu angerlarsimaffigisaminni nammineq pigalugu ineqarpata, piginneqatigiilluni ineqarpata imaluunniit attartorluni ineqarpata tunisariaqarsinnaavaat, attartortittariaqarsinnaavaat imaluunniit attartorteqqittariaqarsinnaavaat.

Suliffissarsiortunut ikiorsiissutinik pisartagaqartup angerlarsimaffigisami avataani atorfik neqeroortigineqartoq innersuunneqartorluunniit itigartitsissutigisinnaangilaq, pineqartoq nammineq pigalugu ineqarnini imaluunniit piginneqatigiilluni ineqarnini pissutigalugu. Taamatut iliortoqassappat piareersimasussaaneq pineqartumit naammassineqassangilaq.

SULINNGIFFEQARNEQ

- § 14

Suliffissarsiortunut ikiorsiissutinik pisartagaqartoq qaammatini arfinilinni atasuinnarmik pisartagaqarpat, pineqartoq suliffissarsiortunut ikiorsiissutit pisartagaralugit sapaatip akunnerini marlunni sulinngiffeqarnermut kommuni (Majoriaq) isumaqatigiissuteqarfigisinnaavaa. Sulinngiffeqarnek atasuinnarmik imaluunniit ullut ataasiakkaarlugit atorneqarsinnaavoq, kisianni minnerpaamik sapaatip akunneri sisamat sioqqullugit isumaqatigiissutigineqassaaq.

Pineqartoq siornatigut atorfeqarnerminut atatillugu sulinngiffeqarnerisutit pissaqarpat, sulinngiffeqarnerisutit siulliullugit atorneqassapput.

- *Assersuut:*
- Inuk suliffissarsiortunut ikiorsiissutinik qaammatini arfinilinni atasuinnarmik pisartagaqartoq sapaatip akunnerini marlunni sulinngiffeqarniarluni isumaqatigiissuteqarpoq. Pineqartoq sulinngiffeqarnerisutit pissaqartoq, sulinngiffeqarnerisutit sulinngiffeqarnermini sapaatip akunneranut siullermut atussavai aamma sapaatip akunneranut kingullermut pineqartoq suliffissarsiortunut ikiorsiissutinik pisartagaqassaaq.

Suliffissarsiortunut ikiorsiissutinik pisartagaqartutut piffissaq sulinngiffeqarfiusoq sapaatit akunneri marluk qaangerneqassangillat. Suliffissarsiortoq sivilisunerusumik sulinngiffeqarnissamik kissaateqarpat pineqartup suliffissarsiortutut nalunaarsoqqanini atorunnaarsittariaqarpaa.

Pineqartup piffissap sulinngiffeqarfiup nalaani inatsimmi piumasaqaatit nalinginnaasut naammassissagai piumasaqaataavoq (pissutigineqarfigisamik suliffissaarunneq, suliffeqarnermut piareersimaneq ilaalu ilanngullugit).

- *Assersuut:*
- Angut ataaseq suliffissarsiorpoq suliffissarsiortunullu ikiorsiissutinik qaammatini arfineq-marlunni pisartagaqarluni aamma ulloq 1.10-imiit sapaatit akunneri marlunni sulinngiffeqarniarluni isumaqatigiissuteqarluni. Pineqartoq suliffimmik aalajangersimasumik ullormiit 15.9-imiit neqeroortigineqarpoq. Taamaattumik siornatigut piffissami isumaqatigiissutigisami suliffissarsiortunut ikiorsiissuteqarluni sulinngiffeqarnissamut pisinnaatitaangilaq. Tamatumunnga tunngaviuvoq piffissami sulinngiffeqarfiusussami inatsimmi piumasaqaatit nalinginnaasut naammassinnginnamigit.

Sulinngiffeqarnerup aallartinnissaa sioqqullugu suliffissarsiortoq www.sullissivik.gl-imi suliffissarsiortutut sulinngiffeqartutut nalunaarsortissaaq. Sulinngiffeqarnerup naanerata kingorna erngeluni pineqartoq www.sullissivik.gl-imi suliffissarsiortutut nalunaarsoqqissaaq.

NAPPARSIMANEQ

- §§ 15-16

Inuk, inatsimmi matumani piumasagaatit nalinginnaasunik naammassinnittoq aamma napparsimanini pissutigalugu utaqqiisaagallartumik piffissaq tamaat imaluunniit piffissap ilaannaani sulisinnaajunnaartoq, suliffissarsiortunut ikiorsiissutinik pisartagaqarsinnaavoq.

- *Assersuut 1:*
- Piffissap ilaannaani sulisinnaajunnaarnermi / piffissap ilaannaani napparsimasutut nalunaarnermi ilassusikkanik suliffissarsiortunut ikiorsiissutinik tunniussisoqarsinnaavoq.
- *Assersuut 2:*
- Piffissap ilaannaani sulisinnaajunnaarnermi piffissap ilaannaani piareersimasussaasinnaasoqarpoq. Tamanna pisuni ataasiakkaani kommunimit naliliiffigineqartassaaq.

Sapaatip akunneri marluk angullugit napparsimanermi napparsimalernermit ulluit pingajuanniit suliffissarsiortunut ikiorsiissutinik tunniussisoqarsinnaavoq. Napparsimaneq sapaatit akunneri marluk sinnerlugit sivisussuseqarpat suliffissarsiortunut ikiorsiissutit ulloq siullermi napparsimalernermit tunniussisoqassaaq.

Sivisussuseq

Qaammatit arfinillit tikillugit ataannartumik napparsimanermi suliffissarsiortunut ikiorsiissutinik tunniussisoqarsinnaavoq. Taassuma kingorna naliliiffigineqarpat pineqartoq qaammatit tulluuttut pingasut iluanni pineqartup napparsimalinnginnermituulli sulisinnaaq qilissasoq, suliffissarsiortunut ikiorsiissutit qaammatip pingasut angullugit sivitsorneqarsinnaapput.

- *Assersuut 1:*
- Pisut ilaanni, napparsimasoq qaammatip pingasut iluanni peqqississanersoq, innuttaasup sullissisullu akornanni oqaloqatigiinneranni naliliineq ingerlanneqarsinnaavoq. Pisunni allani pisariaqarsinnaavoq nakorsap allagartaanik pissarsinissaq qaqugu peqqissinissaanut ilimasaarummik ilallugu.
- *Assersuut 2:*
- Innuttaasup napparsimalluni nalunaarneranik malitseqartitsineq pisariaqarpoq aamma pineqartoq peqqissutsimut tunngasut pissutigalugit pilersuineramik allamik atorfissaqartitsinissaa eqqarsaatigalugu (assersuutigalugu siusinaartumik pensionisiaqarneq) kommunip naliliiniarneranut oqilisaataassalluni.

Napparsimalluni nalunaarneq aamma ajorunnaarnermik nalunaarneq

Napparsimaneq erngerluni aamma pineqartoq sulinini aallarteqqissinnaallugu piareeriarpat ajorunnaarnermik nalunaarneq kommunimut (Majoriamut) nalunaarutigineqassaaq.

Napparsimaneq uppersartinnissaa pisariaqarsorineqaraangat, pisut ilaanni nakorsap allagartaa kommunip qinnutigisinnavaa. Nakorsap allagartaa kommunip qinnutigippagu, nakorsap allagartaani allaqqassaaq, piffissaq tamakkerlugu piffissalluunniit ilaannaani napparsimanermt nalunaarutaanersoq aamma pineqartoq qaqugu tamakkiisumik suleqqilersinnaanera naatsorsuutigineqarnermoq.

Aallaaviatigut napparsimanerit imaluunniit ajoqusernerit nakorsap allagartaanik pisariaqartitsineq ajorput, taamaattumik napparsimanerit pisariusuni pisoqartillugu, peqquserlunnermik ilimattaattoqartillugu, aaqqiissummik atornerluisoqartillugu imaluunniit pisartagaqartup sulinissamut piareersimanera pillugu tunngavilersukkamik qulartoqartillugu nakorsap allagartaanik pisariaqartitsinerimik tunngavissaqarsinnaasoq.

Kommunip nakorsap allagartaanik nammineq qinnutigisani akilernissai isumagissavai.

Sulisitsisup sulisumi napparsimanera nammineerluni aamma nalunaarutigisinnaavaa, mailikkut nalunaarutigalugu imaluunniit allakkatigut innuttaasup napparsimanerimut atatillugu suliffissarsiortunut ikiorsiissutinik qinnuteqarnermini uppersaaitit atungasaanik.

Allakkatigut uppersaakkamik napparsimanerimut tunngasumik takussutissaqarpat, innuttaasooq napparsimanerimut ikiorsiissutinik pissarsisinnaavoq.

Sulinermit ajoquserneq.

Sulinermit ajoqusernerit sulinngitsoornermik kinguneqartut taaguummik napparsimanerimut ilaatinneqarput. Malittarisassat pingaarnertut akissarsiaqartoq Kalaallit Nunaanni sulinermit ajoqusernerimut sillimmasiineq pillugu inatsimmut ilaatinneqarpoq aamma sulinermit ajoquserneq pissutigalugu akissarsiaqannginneq sillimmasiisarfiimmit imaluunniit sulinermit akissarsianik annasaqarnerimut taartisiassat aqutigalugit matussuserneqassalluni taamaattumillu suliffissarsiortunut ikiorsiissutinik pisartagaqarsinnaaneq atorunnaassalluni, tak. inatsimmi § 3.

- *Assersuut:*
- Kommunip eqqumaffigissavaa sulinermit akissarsianik annasaqarnerimut taartisiassat tunniunneqartarneri qaqugu aallartinneqarnerisut, taamaasilluni marloriaammik pilersuineq peqqunagu.

KILLILERSUIFFIGISAALERNEQ

- §§ 17 og 18

Suliffissarsiortunut ikiorsiissutinik pisartagaqartoq sapaatip akunnerinik sisamanik killilersuiffigisaalissaaq pineqartoq imatut iliorpat:

1. Nammineerluni suliffik unitsinneqarpat (tassunga ilanngullugu suliffimmut takutinngitsoorneq imaluunniit suliffini qimaannarpagu) imaluunniit
2. Piareersimanerimut pisussaaffik eqquutsinneqanngippat imaluunniit
3. Suliffiminiit soraarsinneqarpat.

Killilersuiffigisaalernerup nalaani suliffissarsiortunut ikiorsiissutinik pisartagaqartumut tunniunneqartatut 50%-imik ikilisinneqassapput.

- *Assersuut 1:*
- Inuup suliffissarsiortunut ikiorsiissutinik SIK'p ilinniagaqanngitsunut nalunaaquttap akunneranut akissarsiaqartunut minnerpaaffittut akissarsiarititaata 80%-iinik pisartagaqartup suliffimmik neqeroorut itigartitsissutigaa. Pineqartoq sapaatip akunnerini sisamani killilersuiffigisaalissaaq piffissamilu tassani taamaallaat SIK'p ilinniagaqanngitsunut nalunaaquttap akunneranut akissarsiaqartunut minnerpaaffittut akissarsiarititaasa 40%-innaanik tunineqartassalluni (tassalu killilersuiffigisaalernerup aallartinnginnerani pisartagaasa affai).

- *Assersuut 2:*
- Piffissami killilersuiffigisaasumi inuk pisussaavoq suliffissarsiortutut nalunaarsoqqassalluni, Majoriami ataatsimiinnernut oqaloqatiginninnernullu peqataassalluni kiisalu kommunimit (Majoriamit) neqeroorutigineqartunik tigusissalluni. Taamaalilluni suliffissarsiortunut ikiorsiissutit pillugit inatsimmi atuuttut pineqartumut tamarmik pisussaaffiupput.

Inuk suliffimminiit soraarsinneqartoq isumaqarlunilu soraarsitsineq tunngavissaqanngitsoq, nammineq suliaq sulissutigissavaa isummanilu tunngavilersorniarlugu uppersaatinik pissarsissalluni – sulinermi kattuffini suleqatigisinnaallugu. Kommuni suliap qulaajarneqarnissaanik isumaginnissanngilaq.

- *Assersuut:*
- Isumaqatiginninnerup eqqartuussinerullunniit kingorna soraarsitsineq tunngavissaqannginnerarlugu soraarsinneqartoq tapersernejarpap, suliffissarsiortunut ikiorsiissutit tunniunneqarsinnaapput kingumoortumik atuuttumik killilersuiffigisaalernerlu atorunnaarsinneqarluni. Pisumi taamattumi isummertoqassaaq pisassat ilanngullugit naatsorsuisoqassanersoq.

Suliffissarsiortunut ikiorsiissutinik pisartagaqartoq qaammatit aqqaneq-marluk iluanni sisamariarluni killilersuiffigineqarpap, innuttaasoq suliffeqarnermut piareersimangitsutut isigineqassaaq, suliffissarsiortunullu ikiorsiissutinik tamakkiisunik pisartagaqarsinnaajunnaassalluni. Innuttaasoq pineqartoq suliffissarsiortunut ikiorsiissutinik annikillisanik ikiorsiissutisissaaq.

Qaammatit aqqaneq-marluk iluanni sisamassaannik killilersuiffigisaalernerq qaammatinik pingasunik sivirususeqassaaq, tak. inatsimmi § 18, oqaaseqatigiit kingullit.

Qaammatit pingasut iluani Majoriaq aammalu pisortanik ikiorsiissutinik suliaqartut, akunnerminni innuttaasup piareersimasussaataaneranut tunngatillugu, ikaarsaarnissaanut avitseqatigiinnermut atussavaat. Imatut paasillugu, qaammatip pingasut utaqqisoqartariaqanngilaq, innuttaasup sulisinnaassusaanik qulaajaanermut atussallugu aammalu suli pisortanik ikiorneqarnissaminut pisariaqartitsinera qulaajassallugu.

Suliffissarsiortunut ikiorsiissutinik pisartagaqartup qaammatit aqqaneq-marluk iluanni sisamariarluni killilersuiffigineqarnersoq pillugu aalajangiiniarnermi, killilersuiffigisaalernerq siulleq aallartiffia aamma killilersuiffigisaalernerup kingulliup naanera, qaammatit aqqaneq-marluk iluanni pissapput.

- *Assersuut:*
- Inuk ataaseq siullermik killilersuiffigineqalerpoq 1. april sapaatip akunneri sisamani, tullianik killilersuiffigineqalerluni 1. juni sapaatit akunneri sisamani, pingajussaannik killilersuiffigineqalerluni 1. oktober sapaatip akunneri sisamani aamma sisamassaannik killilersuiffigineqalerluni 1. december qaammatini pingasuni. Tamatuma kingorna pineqartoq pilersuinnermut aningaasaqarnikkut ikiorneqarnissani suli pisariaqartippagu, pisortanik ikiorsiissutinut innersuunneqassaaq.

KATERSISARNEQ

- §19

Suliffissarsiortunut ikiorsiissutinik tunineqarnissamut katersineq ulloq saaffiginniffiusumiit aallartittarpoq.

Inuk suliffissarsiortunut ikiorsiissutinik tunineqarsinnaavoq suliffissarsiorfik ulloq siulleq aallaavigalugu, pineqartoq sapaatip akunnerata iluani suliffissarsiortutut nalunaarsortippat aamma suliffissarsiortunut ikiorsiissuteqarnissamut qinnuteqarpat.

Inuit akissarsiaqarfiusumik suliffeqanngitsut imaluunniit ilinniakkaminnik naammassinneqqammersut suliffissarsiortunut ikiorsiissutinik tunineqarsinnaapput ulloq saaffiginniffiusup kingorna sapaatit akunneri marluk qaangiunneranni aamma suliffissarsiortunut ikiorsiissutit nalunaaquttap akunneranut minnerpaaffiusumik 22-nik pisinnaatitaallutik.

SULIFFISSARSIORTUNUT IKIORSIISSUTIT ANINGASARTAAT

- §§ 20-25

Suliffissarsiortunut ikiorsiissutit aningaasartaat naatsorsorneqartarpoq SIK aamma Namminersorlutik Oqartussat akornanni akunnermusiallit pillugit isumaqatigiisummi ilinniagaqanngitsunut akunnermusiaritineqartoq appasinnerpaaq atorlugu (isumaqatigiisummi § 4, imm. 2, trin 1) maannakkut assigalugu 100,47 kr./time 01/04/2021-miit – tamatuma kingorna SIK malillugu akissarsiat minnerpaaffissaat.

Aningaasartaat Naalakkersuisunit naatsorsorneqartarput www.naalakkersuisut.gl-imilu tamanut saqqummiunneqarlutik.

Suliffissarsiortunut ikiorsiissutit naatsorsorneqartarput SIK malillugu akissarsiat minnerpaaffissaat annikillilerlugit. Annikilliliineq taaguuteqarpoq akiliutissap procentia.

Akiliutissap procentia:		
	<i>Ukioqatigiiaat</i>	<i>Sivissuseq</i>
90%	tamarmik	sap.ak. 0 - 26
80%	18-29-inik ukiullit	qaammatit 6-iniit 12-inut
	30 ukiullit sinnerlugillu	qaammatit 6-iniit 24-nut
65%	18-29-inik ukiullit	qaammatit 12-it kingorna
	30 ukiullit sinnerlugillu	qaammatit 24-t kingorna

Suliffissarsiortunut ikiorsiissutinik katersisarneq naatsorsorneqartarpoq sapaatip akunneri 13-it siuliini nalunaaquttap akunneri akissarsiaqarfiusut tunngavigalugit – amerlanerpaamik nalunaaquttap akunneri 40-t ikinnerpaamillu nalunaaquttap akunneri 22-t.

Nalunaaquttap akunneri aningaasarsiaqarfiusunut ilanngunneqartarput, pineqartoq angerlartitaanersoq aamma qinnuteqartoq sulisimannginnersoq, kisianni akissarsiaqaannarluni imaluunniit ajunngitsorsiasaqaannarluni, tassunga ilanngullugit akiliutsilluni sulinnngiffeqarneq, akiliutsilluni napparsimanerit aamma meeqqap napparsimamera, pikkorissarnermi peqataaneq, nalunaaquttap akunneranik akissarsissutissanik afspadseeriineq assigisaaluunniit.

Ilinniakkaminnik naammassinneqqammersut kiisalu innuttaasut siornatigut aningaasarsiaqanngitsut ulloq saaffiginniffiusoq siullermiit sapaatit akunneri marluk katersuereernermit suliffissarsiortunut ikiorsiissutinik sapaatit akunneranut akunnernut 22-nut naatsorsugaasunik tunineqarsinnaapput.

Illassutitut suliffissarsiortunut ikiorsiissuteqarneq

Qaammatit arfinillit ingerlaneranni piffissami aalajangersimasumi sapaatit akunnerini sisamani piffissap ilaannaanik sulineq periarfissaavoq aamma pineqartup akunnermusiaata assiganik ilassutitut suliffissarsiortunut ikiorsiissutininik pisartagaqarluni.

- *Assersuut:*
- Suliffissarsiortunut ikiorsiissutininik pisartagaqartoq nalunaaquttap akunnerini 33-ni akunnermusialerlugu tunineqartarpoq. Pineqartoq utaqqiisaasumik suliffimmik neqeroorfigineqarpoq sapaatit akunnerini pingasuni sapaatip akunneranut nalunaaquttap akunneri 25-t sulisarluni. Pineqartoq sapaatip akunneranut nalunaaquttap akunneri arfineq-pingasunut ilassutitut suliffissarsiortunut ikiorsiissutininik tunineqartassaaq (nalunaaquttap akunneri 33-t 25-nik ilanngarlugit) sapaatit akunnerini pingasuni pineqartup utaqqiisaasumik sulinerata nalaani.

Piffissap ilaannaani sulinermet siunertaassaaq suliffissarsiortoq imminut tamakkiisumik pilersorsinnaanissaanut qanillatorneq.

Pineqartup sulileriaannaanermut pisussaaffini suli eqquutsissavaa.

- *Assersuut:*
- Inuk piffissap ilaannaani suliniarluni kissaateqarpat, kisianni inatsimmi allaqqasutut piareersimanissani kissaatiginagu, pineqartoq ilassutitut suliffissarsiortunut ikiorsiissutininik tunineqarsinnaanngilaq.

NAATSORSUINERMUT ASSERSUUTIT

Suliffissarsiortoq kommunalbestyrelsimut (Majoriamut) suliffissarsiortutut nalunaarsortinniarluni saaffiginnippat, innuttaasup sapaatit akunneri 13-ini kingullerni akissarsiami allagartai/akunnermusiami allagartai nassassavai.

Akunermusiaq naatsorsorneqartassaaq qinnuteqartup agguaqatigiissillugit akunnerit sapaatip akunnerini kingullerni 13-ini suliffissarsiortunut ikiorsiissutininik qinnuteqannginnermini suliffigisimasai tunngavigalugit, taamaattoq sapaatip akunneranut minnerpaamik akunnerit 22-it. Annerpaamik suliffissarsiortunut ikiorsiissutininik akiliisoqarsinnaavoq sapaatip akunneranut akunnermusiaq akunnernut 40-nut naatsorsugaasoq tunngavigalugu.

SIK'p ilinniagaqanngitsunut akunnermusiarisartagaata 90 %-ia malillugu akunnermut akiligitassaaq pissarsiarineqassaaq, www.sik.gl takuuk. Eqqaamallugu, annertussuseq piffissap suliffeqanngiffiup sivitsoriartornerani appariartortarmat. Aajukua naatsorsuinermet assersuutit:

Assersuut 1:

Sap.ak. nr.	Nal.ak. suliffigisat amerlassusaat:	Naatsorsuineq Majoriaq:				
13/2022	38	38	Assersuut 1 malillugu sapaatip akunneranut kr. 3.616,80 tunniunneqartarput, piffissaq suliffissarsiorfiusoq atasuinnaappat. Suliffissarsiornermi ullunut ataasiakkaanut ullormut kr. 723,36 tunniunneqartarput, tassa imaappoq suliffissarsiornermi ullut pingasut pineqarpata kr. 723,36 x 3 = kr. 2.170,08 ullunut pingasunut tunniunneqassapput. Tunniussineq suliame takuneqarsinnaassaaq. EQQAAMALLUGU, naatsorsuineq manna akileraartarnermut ilanngaaserneqanngimmat. Akileraartarnermut ilanngaassineq IT-mik aaqqissuussamit akissarsiat nalunaarutigineqarneranni ingerlanneqartarpoq.			
14/2022	40	40				
15/2022	40	40				
16/2022	36	36				
17/2022	45	45				
18/2022	42	42				
19/2022	40	40				
20/2022	46	46				
21/2022	38	38				
22/2022	39	39				
			Sap.ak. akunnerit tunniunneqartussat	Ullormut akunnerit tunniunneqartussat	Sap.ak. akunnerit tunniunneqartussat	Ullormut akunnerit tunniunneqartussat
23/2022	40	40				
24/2022	41	41				
25/2022	40	40	520 / 13 =	40 / 5 =	40 * kr. 90,42 =	kr. 3.616,80 / 5 =
Katillugit	525	520	40 akunnerit	8 akunnerit	kr. 3.616,80	kr. 723,36

Innuttaasumut sapaatip akunneri 13-it kingullit ingerlaneranni sulinngiffeqartumut naatsorsuinermt assersuut:

Assersuut 2:

FERIE

Sap.ak. nr.	Nal.ak. suliffigisat amerlassusaat:	Naatsorsuineq Majoriaq:				
13/2022	40	40	Assersuut 2 malillugu, agguaatigiisillugu sapaatip akunneri 13-it kingumut akunnerit suliffigisimasat naatsorsorneqassapput, ilanngunagit sapaatip akunneri 3 sulinngiffeqarsimaneq. Agguaatigiisillugu sapaatip akunneranut 40-it sinnerlugit sulisarsimangaanni, sapaatip akunneranut akunnerit 40-imut inissinneqassapput. Sapaatip akunneranut kr. 3.616,80 tunniunneqartarput, piffissaq suliffissarsiorfiusoq atasuinnaappat. Suliffissarsiornermi ullunut ataasiakkaanut ullormut kr. 723,36 tunniunneqartarput, tassa imaappoq suliffissarsiornermi ullut pingasut pineqarpata kr. 723,36 x 3 = kr. 2.170,08 ullunut pingasunut tunniunneqassapput. Tunniussineq suliame takuneqarsinnaassaaq. EQQAAMALLUGU, naatsorsuineq manna akileraartarnermut ilanngaaserneqanngimmat. Akileraartarnermt ilanngaassineq IT-mik aaqqissuussamit akissarsiat nalunaarutigineqarneranni ingerlanneqartarpoq.			
14/2022	40	40				
15/2022	40	40				
16/2022	FERIE	FERIE				
17/2022	FERIE	FERIE				
18/2022	FERIE	FERIE				
19/2022	40	40				
20/2022	40	40				
21/2022	42	42				
22/2022	43	43				
			Timer til udbetaling pr. uge	Timer til udbetaling pr. dag	Timer til udb. pr. uge i kr.	Til udbetaling pr. dag i kr.
23/2022	40	40				
24/2022	40	40				
25/2022	40	40	400 / 10 = 40,0	40 / 5 =	40 * kr. 90,42 =	kr. 3.616,80 / 5 =
I alt	405	400	40 timer	8 timer	kr. 3.616,80	kr. 723,36

QANOQ SIVISUTIGISUMIK SULIFFISSARSORTUTUT INISSISIMANEQ

- § 26

Suliffissarsortutut qanoq sivilutigisumik inissisimaneq paasineqassaaq inuk qanoq sivilutigisumik suliffissarsortutut ikorsiissutinik pisartagaqarnermoq.

Suliffissarsiortutut qanoq sivilutigisumik inissisimaneq naatsorsorneqartassaaq qinnuteqartoq siullermeertumik suliffissarsiorluni Majoriamut saaffiginninneraniit.

Suliffissarsiortutut qanoq sivilutigisumik inissisimaneq malittarisassatut pingaarnertut atorunnaartarpoq suliffissarsiortoq suliffissarsiortunut ikiorsiissutinik pisartagaqarunnaaraangat, pineqartup aningaasarsiaqarluni suliffeqalernera pissutigalugu.

Inuit suliffissarsiorunnaartutut nalunaaruteqartut aamma sapaatit akunneri 12-it qaangiutsinnagit suliffissarsiortutut nalunaqqittut, nutaatut nalunaartut isigineqarneq ajorput. Maannamut suliffissarsiortutut qanoq sivilutigisumik inissisimanertik ingerlatiinnassavaat.

ALLAFFISSORNEQ

- § 30 imm. 3

Innuttaasut kommunit aggornerisa avataaniittut qinnuteqaataat suliarineqarsinnaapput innuttaasunut Pituffimmi najugaqartunut ineqarfeqartunullu suleriaatsip atuuttup assinganik. Tassani nunaqqatigiit siunnersuisoqatigiivi suliaqartuussapput kiisalu ikiorsiissutit innuttaasumut tunniullugit. Taassuma kingorna aningaasartuutigineqartut Namminersorlutik Oqartussat naalakkersuisoqarfianit utertinneqassapput, Suliffissarsiuussisarfimmut immikkoortortaqarfik akisussaasutut inissisimalluni.

- *Assersuut:*
- Kommunit aggornerisa avataani innuttaasunut suliffissarsiortunut ikiorsiissutinik qinnuteqartunut suleriaaseq atuuttoq ingerlateqqinneqassaaq.

ATAATSIMOORUSSANIK IT-MI AAQQISSUUSSINERIT

- § 32

Ataatsimoorussanik IT-mi aaqqissuussinerit pillugit immikkut najoqqutassiamik aamma ilitsersuummik suliaqartoqassaaq.

NAAMMAGITTAALLIORNEQ

- § 33

Suliffissarsiortunut ikiorsiissutit pillugit inatsit malillugu aalajangiinerit, aalajangiinermit sapaatit akunneri arfinillit qaangiutsinnagit, pillugit Isumaginninnermut Maalaaruteqartarfimmut naammagittaalliutigineqarsinnaapput.

- *Assersuut 1:*
- Naammagittaalliutip qanoq isikkoqarnissaa pillugu piumasaaqateqanngilaq.
- *Assersuut 2:*
- Innuttaasoq MIT-ID-mik peqarpat, naammagittaalliut aua.gl-ikkut, allakkatigut nassiunneqarsinnaavoq, oqarasuaammut 32 80 33-mut sianertoqarsinnaalluni imaluunnit nammineq takkulluni uunga; Imaneq 29, 1. sal, Nuuk.

ATORTUULERNERA AAMMA IKAARSAARNERMI AALAJANGERSAKKAT

- §§ 34 og 35

Inatsisip atortuulerfiata ullua allangortinneqarpoq 1. januar 2024-imut, tak. Pisortanit ikiorsiissutit pillugit Inatsisartut inatsisaata aamma Suliffissarsiortunut ikorsiissutit pillugit Inatsisartut inatsisaata allangortinneqarnera pillugu Inatsisartut inatsisaat nr. 25, 25. november 2022-meersoq.

Inuit inatsisip atortuulerfiani suliffeerunnermi ikiorsiissutinik pisartagaqartut suliffissarsiortunut ikiorsiissutinik pisartagaqartutut nuunneqassapput.

- *Assersuut:*
- Inuit suliffeerunnermi ikiorsiissutinik nalunaaquttap akunnerini 14-iniit 21-inut akunnermusialerlugit pisartagaqartut suliffissarsiortunut ikiorsiissutit pillugit inatsisip kingunerisaanik, suliffissarsiortunut ikiorsiissutinik sapaatip akunneranut nalunaaquttap akunneri 22-nik pisartagaqalissapput.